

第四三八冊

博物彙編


藝術典

醫部

（卷）
一六—三三

古今圖書集成

中華書局影印



欽定古今圖書集成博物彙編醫部典

第一百八十九卷目錄

醫部彙考一百六十九

頸項門四

鍼灸

導引

醫案

藝術典第一百八十九卷

醫部彙考一百六十九

頸項門四

鍼灸

素問曰腎熱病者先腰痛胛痠苦渴數飲身熱熱爭則項痛而強肝寒且痿足下熱不欲言其逆則項痛員員澹澹然戊己甚壬癸大汗氣逆則戊己死刺足少陰太陽

先項背痛者先刺之

大風頸項痛刺風府風府在上椎

靈樞曰大腸手陽明之脈其支者從缺盆上頸貫頰入下齒中還出挾口交人中左之右右之左上挾鼻

孔是動則病齒痛頸腫視盛虛熱寒取之也

胃足陽明之脈是主血所生病者狂瘈溫淫汗出軌

衄口喝唇腫頸腫喉痹視盛虛熱寒取之也

小腸手太陽之脈其支者從缺盆循頸上頰至目銳

眦却入耳中其支者別頰上顙抵鼻至目內眦斜絡

於顙是動則病咽痛頰腫不可以顧肩似拔膈似折

是主液所生病者耳聾目黃頰腫頰頰肩膈肘臂外

後廉痛視盛虛熱寒取之也

勝脫足太陽之脈是動則病衝頭痛目似脫項如拔

脊痛腰似折髀不可以曲腦如結膈如裂是為蹠厥

視盛虛熱寒取之也

手陽明之筋其支者繞肩胛挾脊直者從肩膊上膈上

頸其病當所過者支痛及轉筋肩不舉頸不可左右

視治在燔鍼劫刺以知為數以痛為輸名為孟夏癘

也

手太陽之筋起於小指之上入結於腋下其支者從

走腋後廉上繞肩胛循頸出足太陽之前結於耳後

完骨其病腋後廉痛繞肩胛引頸而痛應耳中鳴痛

引頸目瞤良久乃得視頸筋急則為筋痿頸腫寒熱

在頸者治在燔針劫刺以知為數以痛為輸其為腫

者復而銳之

手少陽之筋起於小指次指之端結於腕上循臂結

於肘上繞臑外廉上肩走頸合手太陽其病當所過

者即支轉筋舌卷治在燔針劫刺以知為數以痛為

輸名為季夏癘也

邪在腎則病骨痛陽癘陽癘者按之而不得腹脹腰

痛大便難肩背頸項痛時眩取之湧泉崑崙視有血

者盡取之

厥頭痛項先痛腰即為應先取天柱後取足太陽

項痛不可俛仰刺足太陽不可以顧刺手太陽也

黃帝曰風寒寒熱之毒氣去之奈何岐伯曰風寒之

本皆在於臟其末上出於頸腋之間其浮於脈中而

未內著於肌肉而外為膿血者易去也黃帝曰去之

奈何岐伯曰風寒之毒氣去之奈何岐伯曰風寒之

熱毒按其處以手之按之其毒去之其毒去之其毒

一刺知二刺即

甲乙經曰風寒之毒氣去之奈何岐伯曰風寒之

通通天主

項上痛風頭痛目如脫不可左右顧百會主之

頸痛項不得顧目泣出眩暈鼻軌衄目內眦赤痛氣

厥耳目不明咽喉引項筋攣不收風池主之

項腫不可俯仰頰腫引耳完骨主之

頸項痛不可以俯仰頭痛振寒寒氣實則脇滿俠

脊有并氣熱汗不出腰背痛大杼主之

頸項通強取通天百會風池完骨瘡門大杼

胃中滿腋腫馬刀瘻善自嚙舌頰天隔中腫淫澤

經痠頭眩枕骨領腫痛目濕身癢漸振寒季脊支

滿寒熱脅腰腹膝外廉痛臨泣主之

馬刀瘻癰液章門支溝主之

出於頰下或至頰車者當於手足陽明經取之或鍼

或灸如後穴三里足陽明合谷手陽明

寒天憲及臑會主之氣舍亦主之

千金方曰少澤前谷後谿陽谷完骨崑崙小海橫竹

主項強急痛不可以顧

消渴本神通天強間風府瘡關天柱風池蠡交天沖

陶道外丘通谷主枕主項如拔不可左右顧

天容前谷角孫腕骨支正主頸項痛不可以顧

天容主頸項痛不能言

角孫主頸項痛

飛揚涌泉頰後項主頸項疼瘰癧汗出

導引

石室祕錄曰頸項強直乃風也以一人抱住下身以一人手牽而搖之至數千下放手深按其風門之穴久之則其中酸痛乃止病人乃自坐起口中微微咽津送下丹田者七次而後已一日即痊

保生秘要曰療癰導引法用手於肩井穴掐六十四度擦之亦如數而行運法極效

運法起於歸元漸引至患處著意多旋小而大微而散散而運運而至於胃間連十數遍又旋至癰處如前法週而復始約數十週以散其結每日送毒一次從胃口曲入大腸如法送出穀道外去渴提清歸元慎走元陽切戒惱怒發物其前運法一晝夜每行七度自參消散無礙

又法於患處想一筋右邊用左手左邊用右手扯下肚裏去覺癢疼又扯下從脚底去

醫案

本事方曰有人患頸筋急項不得轉側自午後發至黃昏時定予曰此患必從足起蓋足太陽之筋自足至項大抵筋者肝之合也日中至黃昏天之陽陽中之陰也又曰陰中之陽肺也自離至兌陰旺陽弱之時故靈寶畢法云離至乾腎氣絕而肝氣弱肝腎二臟受陰氣故發於是時授以木瓜煎方三服而愈一人患項筋痛連背脚不可轉移服諸風藥皆不效予憶千金髓有腎氣攻背強一證與椒附散一服差

天府膈會氣含主癰瘡氣咽腫
腦戶通天消滌天突主頸有大氣
通天主癰灸五十壯胃堂羊屎灸一百壯
絕骨主癰馬刀掖腫

大迎五里臂臑主寒熱頸癰瘰癧
天突天憲主漏頸痛

俠谿陽輔大衝主掖下腫馬刀瘻

瘡瘍全書曰男子婦人小兒患癰瘰者依法四六燒

灸無不效肩骨尾盡處是肩井二穴左肩灸左右肩

灸左右左右俱有俱灸鼠尾一穴用草一莖男比左手

女比右手手中節橫紋攢量過四指紋盡處比交折斷

將至絲螺骨尖中比至脚後總筋中是鼠尾穴左灸

左右灸右俱有俱灸一年五壯年深多灸專治一切

癰瘰須要禁忌房事神效不虛可以活人灸畢瘡爛

車前草葉搗爛貼之看遍身神人所在禁忌并擇天

醫黃道吉日

灸忌既灸忌諸魚熱狗生酒生冷物鮮肉及房勞

又灸兩手掌後四寸兩筋間各七壯以病人中指橫

紋量至本指尖為四寸再灸肘尖左病灸右右病灸

左各三壯不過三次除根

治癰瘰已成未成已潰未潰以手置肩上微舉起則

肘骨尖自現是灸處如患左灸左肘患右灸右肘左

右俱患兩肘皆灸以三四十壯為期更服補劑一年

者日灸一次三灸其瘡自除如患三四年不愈者辰

時灸起至酉時方止三灸即愈更服益氣養榮湯

又法未成膿者用大蒜切片如二錢厚者安患上用

艾炷於蒜上灸之至三五壯換蒜每日灸十數蒜片

以拔毒如破久不合內有核或瘀肉此因氣血不足不能腐爛更用江西豆豉為末唾津和為餅如前灸之以助陽氣內服補藥外貼金絲膏瘡口自合東垣十書曰腋下腫馬刀瘻瘻善自嚼舌頰天關中腫寒熱取臨泣丘墟各一分灸五壯太衝一分灸三壯

腋下頸項腫取天池順皮三分灸七壯如領腫加後

腋二分灸五壯

腋下一分灸三壯立愈

諸癰惡氣灸肩髃男左十八壯右十七壯女右十八

壯左十七壯在肩端凸骨間陷宛宛中舉臂取之

又法灸天府七七壯衝陽隨年壯

丹溪心法曰灸癰瘰法搗商陸根作餅子置於癰瘰

上艾炷灸餅子上乾即易之灸三四餅

得效方曰治癰瘰以手仰置肩微舉手取之肘骨

尖上是穴隨患處灸七壯或二七壯神效

醫學綱目曰刺灸頸項瘡痛有二其一取手足太陽

治項後痛經云足太陽之脈是動則病項如拔視虛

盛寒熱取之又云項痛不可俯仰刺足太陽不可以

顧刺手太陽又云大風頸項痛刺風府風府在上椎

又云邪客於足太陽之絡令人頭項痛痛刺足小指

爪甲上與肉交者各一疳立已不已則刺外踝下三

疳左取右右取左如食頃是也

其二取足手陽明治頸前痛經云足陽明之脈所生

病者頸腫又云手陽明之脈是動則病頸腫皆視盛

虛寒熱陷下取之也

蓋腎氣自腰挾脊上項至曹溪穴然後入泥丸宮曹溪穴非精於搬運者不能透今逆行至此不得通用根以引歸經則安矣氣上逆椒下達故服之即愈儒門事親曰載人在西華寄於夏官人宅忽項上病一瘡狀如白頭瘡腫根紅硬以其微小不慮也忽遇一故人見遂飲以羊膏酒雞魚鹽蒜皆在焉載人以其故舊不能辭又忘其禁忌是夜瘡疼痛不可忍項腫及頭口發狂言目見鬼神夏君甚懼欲報其家載人笑曰請無慮來日當平乃以酒調通經散六七錢下舟車丸百餘粒次以熱麪羹投之上涌下泄一時齊作合去半盆明日日中瘡腫已平一二日腫消而愈夏君見大奇之

一婦人病癰癰延及胃臍皆成大瘡相連無好皮肉求載人療之載人曰火淫所勝治以鹹寒命以滄鹽吐之一吐而著癰次用涼膈散解毒湯等劑皮肉乃復如初

丹溪心法曰一男子項強不能回顧動則微痛其脈弦而數實右手為甚作痰客太陽經治之用二陳湯加酒洗黃芩羌活紅花服後二日愈

薛己醫案曰儒者楊澤之性躁嗜色結一核此肝火血燥筋學法當滋腎水生肝血不信乃內服降火化痰之藥外敷南星商陸轉大如碗余用補中益氣及六味地黃間以蘆薈丸年餘元氣復而腫消一男子素善惡左項微腫漸大如升用清痰理氣大熱作渴小便頻濁余謂腎水虧損用六味地黃補中益氣而愈亦有胃弱等處大如升斗或破而如菌如櫛不問大小俱治以前法

舉人江節夫頸臂脅肋各結一核恪服祛痰降火軟堅之劑益甚余曰此肝膽經血少而火燥也彼執前藥至明年六月各核皆潰脈浮大而滿余斷以秋金將旺肝木被剋必不起後果然

關老楊石齋子年十七患癰發熱作渴日晡頰赤左關尺脈大而浮此肝腎陰虛用補陰八珍湯二十餘劑又加參芪二十餘劑而潰但膿水清稀肌肉不生乃以參芪歸朮為主佐以芍藥熟地麥冬五味腹水稠而肌肉生更服必效散一劑癰毒去而瘡口斂

一儒者患愈後體瘦發熱晝夜無定此足三陰氣血俱虛用八珍加麥冬五味二十餘劑又用補中益氣加麥冬五味及六味丸而愈

儒者張子容素善怒患癰歷久而不愈瘡出鮮血左關弦洪重按如無此肝火動而血妄行證屬氣血俱虛用補中益氣以補脾肺六味丸以滋腎肝而愈

一人耳下患結核五枚經年許尚硬面色萎黃飲食不甘勞而發熱脈數軟而濡以益氣養榮湯六十餘劑元氣已復患處已消一核尚存以必效散二服而平

一人先於耳前耳下患之將愈延及項側缺盆三年遂延胃脘診之肝脈弦數以龍膏散堅二九治之將愈肝脈尚數四年後小腹陰囊內股皆患每年餘不斂脈診如前以清肝養血及前丸而愈

一人因怒耳下及缺盆患癰潰延腋下形氣頗實瘡口不合治以散腫潰堅而愈

一人因勞而患急情發熱脈洪大按之無力宜用補中益氣湯後不信輒服攻伐之劑吐瀉不止而死大

抵此證原屬虛損若不審虛實而犯病禁經禁鮮有不悞常治先以調經解鬱更隔蒜灸之多自消如不消即以琥珀膏貼之候有膿則針之否則變生他證設若兼痰兼陰虛等證只宜加兼證之劑不可干擾餘經或氣血已復而核不消却服散堅之劑至月餘不應氣血亦不覺損方進必效散或遇神仙無比丸其毒一下即止二藥更服益氣養榮湯數劑以調理瘡口不斂豆豉餅琥珀膏若氣血俱虛或不慎飲食起居七情者俱不治然此證以氣為主氣血壯實不用追蝕之劑彼亦能自腐但取去使易於收斂若氣血虛不先用補而數用追蝕之藥適足以取敗若發寒熱眼內有赤脈實腫人者不治一脈者一年死二脈者二年死

一人患結核癰盛胃脘痞悶脾胃脈弦此脾土虛肝木乘之也當實脾土伐肝木為主彼以治痰為先乃服苦寒化痰藥不應又加破氣藥病愈甚始用六君子湯加芍藥數劑飲食少思以補中益氣湯倍加白朮月餘中氣少健又以益氣養榮湯四月腫消而血氣亦復矣夫右關脈弦弦屬木乃木盛剋脾土為賊邪也虛而用苦寒之劑是為虛虛克伐之為病其因不一主治之法不同凡治痰利藥過多則脾氣愈虛虛則痰愈易生如中氣不足必用參朮之類為主佐以痰藥

一人久患不斂神思困倦脈虛予欲投以托裏彼以為迂乃服散腫潰堅湯半月餘果發熱飲食愈少復求治予以益氣養榮湯三月喜其謹守禁忌故得以收效齊氏曰結核癰癰初覺宜內消之如經久而除

氣血漸衰肌寒肉冷或膿汁清稀毒氣不出瘡口不合聚腫不赤結核無膿外證不明者並宜托裏膿未成者使膿早成膿已潰者使新肉早生血氣虛者托裏補之陰陽不和托裏調之大抵托裏之法使瘡無變壞之證此所以宜用也

一婦患瘰癧延至背腋膿水淋漓日久五心煩熱肢體疼痛頭目昏重心忪煩赤口乾咽燥發熱盜汗食少嗜臥月水不調臍腹作痛予謂血虛而然非瘰癧故也服逍遙散月餘少可更服八珍湯加牡丹皮香附子又月餘而經通再加黃芪白薇兩月餘而愈

一婦潰後核不腐以益氣養榮湯三十餘劑更數針頭散腐之再與前湯三十餘劑而愈

一婦久潰發熱月經過期且少用逍遙散益氣養榮湯兩月餘氣血復而瘡亦愈但一口不收數針頭散更灸肩井穴而痊

一婦瘰癧與養血順氣藥不應服神效瓜蒌散二劑頓退又六劑而消却與托裏養氣血平復而愈

一婦人瘰癧久不愈或以木旺之證用散腫潰堅湯伐之腫硬益甚予以爲肝經氣血虧損當滋化源用六味地黃丸補中益氣湯至春而愈此證若肝經風火暴病元氣無虧宜用前湯若風木旺而自病宜用瀉青丸虛者用地黃丸若水不能生木亦用此丸若金來尅木宜補脾土生腎水大凡風木之病壯脾土則木自不能尅矣若行伐肝則脾胃先傷而木反尅土矣

一婦患瘰癧少寐年餘瘰癧破膿水淋漓經水或五十日或兩月餘一至誤服通經丸展轉無寐午前惡寒

午後發熱予以爲思慮虧損脾血用歸脾湯作九午以前以六君送下午後以逍遙送下兩月餘得寐半載後經行如期年餘瘡愈

一婦瘰癧後遍身作痒脈大按之則虛以十全大補湯加香附治之而愈大凡潰後午前痒作氣虛午後痒作血虛若作風證治之必死

一男子患此腫痛發熱大便祕以射干連翹散六劑熱退大半以仙方活命飲四劑而消

一婦人耳下腫痛發熱與荆防敗毒散四劑表證悉退以散腫潰堅湯數劑腫消大半再以神效瓜蒌散四劑而平

一男子肝經風熱耳下腫痛發熱脈浮數以薄荷丹治之而消

一男子每怒耳下腫痛或作痛以小柴胡湯加青皮木香紅花桃仁四劑而愈

一男子頸腫不作膿脈弦而數以小柴胡湯兼神效瓜蒌散各數劑及隔蒜灸數次月餘而消

一婦人頸腫不消與神效瓜蒌散六劑少退更以小柴胡湯加青皮枳殼貝母數劑消大半再以四物對小柴胡數劑而平

一男子因暴怒項下腫痛生結核痞悶兼發熱用方脈流氣二劑胃脘利以荆防敗毒散二劑而熱退肝脈尚弦瀉以小柴胡加芍歸芍藥四劑脈證頓退以散腫潰堅丸一料將平唯一核不消乃服遇仙無比丸二兩而瘳

一婦人久患此潰而不斂發熱口乾月水短少飲食無味日哺九倦以益氣養榮湯二十餘劑少健余

謂須服百劑庶保無虞彼欲求速效反服螫螫之劑及數用追蝕毒藥去而復結以致不能收斂出水不止遂致不救蓋此證屬虛勞氣鬱所致宜補形氣調經脈未成者消已成者潰若投悍悍之劑則氣血愈虛多變爲瘰癧彼堅而不潰潰而不合氣血不足明矣况二經之血原自不足不可不察

一男子患久不斂膿出更清面黃羸瘦每晨作瀉與二神丸數服瀉止更以六君子湯加芍歸月餘肌體漸復灸以豆豉餅及用補劑作膏藥貼之三月餘而痊

一男子患此未潰倦怠發熱以補中益氣湯治之少愈以益氣養榮湯月餘而潰又月餘而痊

一婦人肝經積熱患此作痛脈沉數以麝香連翹湯四劑少愈用散腫潰堅丸月餘而消丹溪云瘰癧必起於足少陽一經不守禁忌延及足陽明經食味之厚鬱氣之久日毒日風曰熱皆此數端招引變換須分虛實實者易治虛者可慮此經主決斷有相火且氣多血少婦人見此若月水不調寒熱變生稍久轉爲潮熱自非斷慾食滯神醫不能療也

一男子患而腫硬久不消亦不作膿服散堅敗毒藥不應令灸肘尖肩尖二穴更服益氣養榮湯月餘而消

一男子患同前亦灸前穴飲前湯膿成針之而斂

一婦人因怒結核腫痛察其氣血俱實先以神效散下之更以益氣養榮湯三十餘劑而消常治此證虛者先用益氣養榮湯待其氣血稍充乃用神效散散去其毒仍選前藥無不效者

一室女年十七項下時或作痛乍寒乍熱如瘧狀肝脈弦長此血盛之證也先以小柴胡湯二劑少愈更以生地黃丸治之而痊婦人良方云寡婦之病自古未有言者唯倉公傳與褚澄論及言寡婦獨陰無陽欲男子而不可得是以鬱悒而成病也易曰天地絪縕萬物化醇男女媾精萬物化生孤陽獨陰可乎夫既處閨門慾心萌而不遂致陰陽交爭乍寒乍熱有類瘧疾久而為癆又有經閉白淫痰逆頭風腦氣痞悶面黧瘦瘠等證皆寡婦之病診其脈獨肝脈弦出寸口而上魚際究其脈原其疾皆血盛而得經云男子精盛則思室女人血盛則懷胎觀其精血思過半矣

一婦人患久不作腰脈浮而澹予以氣血俱虛欲補之便自潰彼欲內消專服蟄蟄及散堅之藥氣血愈虛而死

一男子素弱潰後核不腐此氣血皆虛用托裏養榮湯氣血將復核尚在以替挺撥去又服煎藥月餘而痊

一男子氣血已復核尚不腐用針頭散及必效散各三次不旬日而愈

一婦人因怒項腫後月經不通四肢浮腫小便如淋此血分證也先以椒仁丸數服經行腫消更以六君子湯加柴胡枳殼數劑頸項腫亦消矣亦有先因小便不利後身發腫致經水不通名曰水分宜葶藶丸治之婦人良方云婦人腫滿若先因經水斷絕後至四肢浮腫小便不通名曰血分水化為血血不通則復化為水矣宜服椒仁丸若先因小便不利後身浮腫

致經水不通名曰水分宜服葶藶丸

一室女年十九頸腫而面色不變肌肉日削筋變急痛此七情所傷血氣皆損之證也當先滋養血氣後不信乃服風藥後果不起盧砥鏡曰經云神傷於思感則肉脫意傷於憂愁則肢廢魂傷於悲哀則筋羸魄傷於喜樂則皮精志傷於盛怒則腰脊難以俛仰也

一癰婦四肢倦怠殊類瘵證以養血氣健脾胃藥而愈

一室女性急好怒耳下常腫痛發寒熱肝脈弦急投以小柴胡湯加青皮牛蒡子荊芥防風治之而寒熱退更以小柴胡湯對四物數劑而腫消其父欲除去病根勿令再發予謂肝內主藏血外主榮筋若悲怒氣逆則傷肝肝主筋故蓄結而為腫須病者自能調攝庶可免患否則肝迭受傷則不能藏血血虛則為難痊之證矣後不戒果結三核屢用追蝕藥不效而歿

一少婦耳下患腫素動苦發熱口乾月水每過期而至且少老嫗以為經閉用水蛭之類通之以致愈虛而斃夫月水之為物乃手太陽少陰二經主之此二經相為表裏主上為乳汁下為月水為經絡之餘氣苟外無六淫所侵內無七情所傷脾胃之氣壯則衝任之氣盛故為月水適時而至然而面色痿黃四肢消瘦發熱口乾月水過期且少乃陰血不足也非有餘瘀閉之證宜以滋養血氣之劑徐徐培之則經氣盛而經水自依時而下
一放出宮女年踰三十兩脰作痛不腫色不變大小

便作痛如淋登屬尤痛此瘀血漬入隧道為患乃男女失合之證也難治後潰不斂又患瘰癧而歿此婦為吾鄉湯氏妾湯為商常在在外可見此婦在內久懷幽鬱及在外又不能如願是以致此疾愈見流注瘰癧乃七情氣血皆已損傷不可用攻伐之劑峻然矣故精血篇云精未通而御女以通其精則五體有不滿之處異日有難狀之疾陰已痿而思色以降其精精不出而內敗小便道澀而為淋精已耗而復竭之則大小便道牽疼愈發則愈欲大小便愈便則愈疼若女人天癸既至踰十年無男子合則不調未踰十年思男子合亦令不調不調則舊血不出新血誤行或潰而入骨或變而為腫或難合而亦難子合男子多則精枯虛人產乳衆則血枯殺人觀其精血思過半矣

一室女年十七患瘰癧久不愈月水尚未通發熱咳嗽飲食不思有老嫗欲用巴豆肉桂之類先通其經予謂此證潮熱經候不調者不治但喜脈不澹且不潮熱尚可治須養氣血益津液其經自行彼悞於速效之說仍用之予曰非其治也此類乃標悍之劑大助陽火陰血得之則妄行脾胃得之則愈虛經果通而不止飲食愈少更加潮熱遂致不救經云女子七歲腎氣盛齒更髮長二七天癸至任脈通太衝脈盛月事以時下然過期而不至是為失常必有所因夫人之生以血氣為本人之病未有不先傷氣血者婦女得之多傷於七情世有室女童男積想在心思慮過當多致勞損男子則神色先散女子則月水先閉何以致然蓋憂愁思慮則傷心心心傷則血道竭血逆

竭則神氣先散而月水先閉也火既受病不能榮養其子故不嗜食脾既虛則金氣虧故發熱嗽水氣絕故四肢乾木氣不充故多怒髮焦筋骨痿候五臟傳遍然後死矣此一種於勞中最難治蓋病起於五臟之中無有已期藥力不可及也若或自能改易心志用藥扶接如此則可得九死一生舉此為例其餘諸方可按脈與證而治之張氏云室女月水久不行切不可用青蒿等涼劑醫家多以爲室女血熱故以涼藥解之殊不知血得熱則行冷則凝發生必用方言之甚詳此說大有理不可不知若經候微少漸漸不通手足骨肉煩疼羸瘦漸生潮熱其脈微數此由陰虛血弱陽生乘之小水不能滅盛火火逼水涸亡津液當養水益陰慎毋以毒藥過之宜柏子仁丸澤蘭丸

沈氏室患癰瘰久而不消自汗惡寒此氣血俱虛也遂以十全大補湯月餘而潰然其核雖取而瘡口不斂更灸以豆豉餅仍與前藥加烏藥香附兩月而愈大抵堅而不潰潰而不合皆由氣不足也嘗見患此瘡者瘡口雖合而不加補往往變爲瘰癧以及赤脈貫睛皆爲死證

一婦人因怒耳下腫痛以荆防敗毒散加連翹黃芩四貼而愈嘗治此旬日不消者以益氣血藥及飲遠志酒其腫自消若無膿者亦自潰不戒忿怒者則難治

一婦人亦因怒耳下癰腫頭痛寒熱與荆防敗毒散加黃芩治之表證悉退但飲食少思日晡發熱東垣云雖有虛熱不可大攻熱去則寒生也遂以小柴胡

湯加地骨皮川芎當歸茯苓白朮陳皮十餘貼而愈大年春復堅硬不潰來索方予定八珍湯加香附柴胡地骨皮桔梗自製服之至六七劑以故延緩仍服人參敗毒散勢愈甚又服流氣飲則盜汗發熱口乾少食至秋復求治診視氣血虛極予辭不治果歿今人有瘡瘍不審元氣虛實病在表裏便服敗毒流氣藥殊不知敗毒散乃發表之藥果有表證亦止宜一二服多則元氣反損其毒愈甚雖有人參莫補其耗流氣飲乃耗血之劑果氣結膈滿亦止宜二三服多則血氣愈傷反爲敗證雖有芎歸難以倚仗丹溪云此不係膏粱丹毒之變因虛勞氣鬱所致也

一婦人患癰瘰不消膿清不斂予以八珍湯治之少愈忽肩背痛不能回顧此膀胱經氣鬱所致當以防風通氣湯治之蓋膀胱之脈始於目內眥上額交頤下耳角復上頂至腦後過風府下項走肩膊一支下腰脊是經氣動則脊痛項強腰似折此非膀胱經證而何彼乃云癰瘰癧經病也其脈主行項側即是經火動而然遂自服清肝降火之藥反致不食痛甚復請予診其脈胃氣愈弱先以四君子湯加陳皮炒芍藥半夏羌活蔓荊子四劑食進痛止繼以防風通氣湯二劑而愈

田氏婦年踰三十患癰瘰已潰不愈與八珍湯加柴胡地骨皮夏枯草香附貝母五十餘貼形氣漸轉更與必效散二服瘡口遂合惟氣血未平再用前藥三十餘劑而平後田生執此散方不問虛實聚以治人殊不知方中蟄螫性毒雖能專治癰瘰多服則損元氣若氣血實者先用此下之而投補劑或可愈若虛

而用下藥或追蝕藥瘀肉雖去而瘡口不合反致難治

廣東陳方伯子達達勞倦發熱脈大無力耳下患腫此勞損證也飲補中益氣湯自然熱退腫消若專攻毒則有虛虛之禍彼不聽服降火藥及必效散果吐瀉不食而死夫人勞倦則損氣氣衰則火旺火旺則乘其脾土故倦怠而熱此元氣傷也丹溪云宜補形氣調經脈其瘡自消不可汗下若不詳脈證經絡受病之異而輒下之鮮不危矣

汪中翰姪年及二十耳下患癰瘰痛左關脈數此肝經風熱所致以荆防敗毒散三貼表證悉退再與散腫潰堅九月愈而平復

一婦年二十耳下結核經水每週期午後頭痛服頭風藥愈盛予以八珍湯加柴胡地骨皮二十餘劑而愈

楊文魁年踰三十每勞心過度頸腫發熱服敗毒散愈盛予以補中益氣湯數劑而消

一癰瘰潰後發熱煩躁作渴脈大無力此血虛而然也以當歸補血湯六劑頓退又以聖愈湯數劑少健更以八珍湯加貝母遠志三十餘劑而斂東垣云發熱惡熱大渴不止煩躁肌熱不欲近衣其脈洪大按之無力或目痛鼻乾者非白虎湯證也此血虛發熱當以當歸補血湯主之又有火鬱而熱者如不能食而熱自汗氣短者虛也以甘寒之劑瀉熱補氣如能食而熱口舌乾燥大便難者以辛苦大寒之劑下之以瀉火補水

一男子頸間結核大潰予用梔子清肝火養肝血益

元氣之藥而愈此證亦有大如升斗者亦治以前藥可愈

一兒七歲項結二核時發寒熱日久不愈治以連翹丸而消若患在面臂等處尤宜此丸若潰而不斂兼以托裏之藥治之

一兒項結一核堅硬如瘰癧面色痿黃飲食不甘服托裏藥不應此無辜疳毒也以蟾酥丸治之而愈若數服不消按之轉動軟而不痛者內有蟲如粉急針出之若不速去則蟲隨氣走內蝕臟腑不治蟾蜍夏月溝渠中取腹大不跳不鳴者先取糞蛆一杓置桶中以尿浸之桶近上令乾使蛆不得出將蟾蜍撲死投蛆中任蛆食次以新布袋包裹置水急處浸一宿取出瓦上焙為末入麝香一字軟飯丸如麻子大每服二三十丸空心米飲服之

一婦因怒不思食發熱倦怠骨疼瘦面黃經漸不通頸間結核以逍遙散八珍湯治之少可彼自誤服水蛭等藥血氣愈虛遂致不救

外科正宗曰一男人項疽十餘日視其瘡勢頗甚根連左右耳項並腫紅赤熱脈浮而數先用黃連消毒散二服退其大勢根稍定後用托裏消毒散數服不覺腐潰但診脈浮無力詢知患者年過五旬久艱嗣息房中又有妾人多兼思慮勞怨太過損傷元氣故也又瘡形勢大止能起發不能培養為膿更用十全大補湯加桔梗白芷倍人參白朮各三錢外用桑木灸法早晚二次灸之又塗紫雲膏數日患者頭面俱腫雙目合縫形狀可畏然後腐潰並作膿出日至數升如此半月同前藥不勝其事內加煩躁不寧

五心煩熱飲食漸少等證此膿木出多氣血走泄為虛火假證之故隨用聖愈湯一服不應又進一服加熟附子一錢方應前證悉退次以人參養榮湯加麥冬五味參朮倍至三錢調理月餘後至腦骨腐肉連髮片片脫下其狀狼狽不可觀瞻凡相視者無不點頭驚訝又恐腐潰深大補不及事每日常食中用人參三錢凡餐分入同煮食之以補脾元後方元氣漸醒調理四月方愈彼後一年反生一子以承後嗣也一婦人正對口四五日自灸廿餘壯竟不知痛灸疤焦黑平塌如故診之脈微數而無力此內虛證也若假藥力則快其事用銀錢當頂刺入寸許不知痛亦無血出此毒滯而未發揚者用蟾酥條插入鍼孔每日一次膏蓋其上至七日後周圍裂縫出膿血內服純補之藥至十四日落出瘡根一塊指大長寸餘後以玉紅膏平長肌肉又半月其口已平以珍珠散搽上即刻生皮而愈此證設若不用鍼工專假藥力攻托雖不至死豈能得其速愈者哉

一監生項瘡初起請視瘡頭偏於右半不可輕待必用艾灸為上隔蒜灸至十五壯知痛乃住後復視為小恙失用內藥又四日其瘡復作頸項強紅紫木痛便祕脈實有力以內疏黃連湯加元明粉二錢通其大便次用消毒救苦湯二服腫勢仍甚此內毒外發也不可再消之換服托裏消毒散至二十日因患者肥甚外肉多堅不作腐潰予欲行鍼開放彼家堅執強阻豈後變證一出煩悶昏憤人事不省彼方驚悔隨用銀錢左右耳邊併項之中各開一竅內有膿腐處剪割寸許頑肉放出內積瘀毒膿血不止枕

許內服健脾胃養氣血托裏補虛之藥其膿似泉流不歇每朝夕藥與食中共參六七錢服至腐肉脫盡新肉已生又至四十日外患者方得漸痊始知人事問其前由不知也此患設若禁用鍼刀不加峻補豈有生乎因其子見識道理從信予言未百日而痊一婦人四旬肥甚項瘡五六日視之肉腫瘡不腫又兼口燥心煩堅硬色紫根脚散平六脈洪大此太過證也後必無膿相辭不治彼又請醫視之有言外托者又言內消者有稱年壯不妨又說脈大易治衆人紛紛不定仍各用藥又去七八日前後項俱腫木問堅硬仍復請視決之予曰此不治者何也初起肉腫瘡不腫頂陷者一也根脚平散真氣內敗不能收束毒氣二也口燥心煩邪火內淫三也形色紫黯血死毒滯不作腐潰者四也六脈洪大瘡毒大盛正氣受耗無以抵當故瘡終變軟陷邪毒內攻而死者五也當備後事為要此終於二十七朝前後足矣後果至期而歿於此言正理順之病可欺時人何為紛紛妄治也

一男子項瘡五六日就肆看視頭便黃色根亦平散予曰此當急治方可彼面色不悅而去又請里中醫視之乃曰小恙也因喜其說用藥又至五日外其瘡勢堅硬根脚開大毒氣已過兩肩流注前項胃乳皆腫嘔吐惡心寒熱不食瘡勢形色俱覺可畏始信前言復請予治其瘡形狀不可觀也此非藥力可及先用艾湯洗盡舊藥連藥筒拔提二處拔出瘀血梳餘隨用銀錢斜斜插入根脚透過患底數處以蟾酥條插入孔內此後解毒為膿總以膏蓋走散處以

眞君妙貼散敷之日漸日消其毒收歸後項原處又兼服內托降火化痰之藥三四日候其大勢已退內膿已通換服十全大補湯凡堅而不化者照之腐而不痛者取之新而生運者培之如此調理將近三月方得完口平復此爲患者諱疾忌醫之過幾乎至於喪命者多矣

一女人年過六旬係宦族素稟怯弱間患疽初起頭便如粟謂裏可容穀之病也喜其形體不肥難發之後必易於腐潰此則不妨前說先用隔蒜灸之次用蟾酥餅貼灸上四邊以吸毒散敷之收其根脚不散內服托裏消毒散服瘡勢堅硬疼苦不止予曰到某日方止況今瘡不腐潰診其脈細數而無力此內虛之故不能解毒爲膿以疼爲要豈可得止次換益氣養榮湯加角鍼白芷三服腫亦漸起外用桑木灸法其堅漸軟膿出稠而不多前方去角鍼白芷加香附倍用參芪又敷服方得膿潰潰後痛亦不止予曰再三曰午後痛可止也至期腐肉將脫小半臨午用乳香定痛散一服午後疼痛頓退安睡不醒患家欣悅予曰不然此在用藥適其時也雖半月之言應於今刻惟信則不失耳後當某日腐盡某日肌平某日完口此三者患家以墨繩記候期日果實並無過與不及也此法要在眼力精巧量病難易新腐遲速補助有無用藥合式然後相量日數可決於前發之必中也

一婦壯年項瘡三日其形徑對前口彼家相畏人胖不當瘡發此穴也予視項高脚活雖發不妨彼欲內消之方安予曰藥消則不能鍼消則可取彼從之用

彼鍼當項鍼入六七分點至軟肉方住隨去瘀血又以蟾酥條插入孔內服蟾酥丸得大汗而解次日瘡上欲藥出之漸消尤恐內毒未盡又用消毒清熱之藥數服不出十日而安大抵凡欲消瘡先斷根本大泄毒氣使毒自衰無得內攻爲妙

一男子耳後生疽十餘日自謂小恙不治將近半月根脚漸大瘡頭惟流血水稀惡污穢四邊紫黑軟陷無膿面慘鼻掀手冷氣促脈診散大無根此內敗證也何必治之辭不用藥又延客醫治之固詢無事患者恨予不治凡遇親友勉力支持厲聲自囑決不甘死予曰心不服死也再五日必死果然予常觀瘡但犯此證雖山岳之軀一敗無不傾倒

一男子項核腫痛拘急惡寒用荆防敗毒散二劑表證悉退餘核不消用散腫潰堅湯加川芎香附貝母十餘服其核漸消外以琥珀膏貼之月餘而安

一男人仲冬渡江暴發瘧氣又值驚恐次日寒熱交作頭面耳項俱腫先以藿香正氣散二服寒熱亦止面腫漸消惟項間堅腫不退紅腫作痛此毒聚必欲作膿仍用正氣散加芩歸皂刺數服候膿熟針之腫痛頓退又以十全大補湯健脾生完口

一婦人孀居六載子幼未立憂鬱成核半年又兼經水不調寒熱交作形體消瘦脈亦弦數此勞傷氣血肝火妄動而成斯疾也所謂損者益之不可用追蝕之藥損而復損先用逍遙散加香附牡丹皮貝母和其血脈和其肝氣使寒熱盡退次用益氣養榮湯服至月餘氣血漸復經事漸調元氣漸醒外用火針核上點破四孔用黃線藥插入五六次候至孔大換用

冰蠟散搽於核上封之至十三日外其核自落外搽紅玉膏生肌收斂內換人參養榮湯加香附木香三十餘服其口自完此婦慎起居絕七情戒口味盡調理故可得愈否則必不能矣

一室女年十七因父擇婿不遂就至一旬懷抱日久項生數核堅硬如石此肝經凝結筋縮之病也又兼經水斷絕寒熱如瘧咳嗽脈數惟不顧紅此陰虛火動已成勞瘵證也非藥能愈視其形狀喜無敗色予曰欲治此病先治其心猶可痊父問曰何藥治心予曰非藥也易云天地氤氲萬物化醇男女媾精萬物化生此天地男女生成化育之道也斯病獨起於孤陰寡陽不生不化所謂逆理之病此女大失配偶當至而不至漸成失度之疾其病不生而自生非己作也由時變也故藥不能挽回必得陰陽和而雨澤降夫婦和而家道成斯時之後用藥方可彼父始悟隨即擇嫁三月後復請視之前證稍定先用逍遙散加香附青皮山梔丹皮貝母十餘劑開鬱疏肝寒熱漸止次以人參養榮湯加丹皮紅花通其血脈使心血易生容顏稍澤又用益氣養榮湯倍參木培助脾胃增進飲食間用歸脾湯加麥冬五味遠志沙參收斂神氣寬慰性情又製參木地黃膏服至半年精神頓復經事亦通惟核不能全退用火針點破一核琥珀膏貼之漸腐爲膿又兩月而斂餘腫三核漸針漸潰漸斂首尾純用補脾開鬱藥調理一年始得全愈

一男子年近三十項生數核面白神勞皮粗脈數此元氣受傷之證也先當補養氣血待根本壯實復治其瘡隨用養榮健脾藥十餘劑未效後以爲緩又信

方士所惑以圖內消自服蟄蟄巴磨之藥連瀉十數行後致小便淋漓不已虛熱更增飲食減少又復請視形色內敗不堪調理辭而不治彼後方悔雖請內醫強投扶助降火之藥終不應而死

一婦壯年性急夫蕩不爲家左項生核半載漸至雞卵大堅硬如石皮外紅絲纏繞左右脈俱弦數並屬肝火妄動數乃脾熱之甚先用梔子清肝湯平伐肝木五服後而脈始平又以清肝解鬱湯數服散其鬱結大用益氣養榮湯調其氣血間服散腫潰堅湯軟其堅腫外以琥珀膏貼之調理百日而元氣乃復堅硬已消八九止存小核未盡彼以爲愈止不服藥後又一載值夫賭訟未勝暴急驚恐前腫復作兩手脈弦細而多數此陰血虧損陽火乘之非前有餘證也又兼胃膈不利飲食無味經水先期過多形容憔悴不澤此神傷於思慮則肉脫意傷於憂愁則肢廢魂傷於悲哀則筋攣魄傷於喜樂則皮槁志傷於暴怒則腰脊不能俯仰以上俱七情內損證也法當滋養氣血調和脾胃益腎清心開鬱散滯庶保無虞彼不肯信仍前欲服散腫潰堅之藥欲灸腫上以圖內消余曰此非前比今則不敢治也請客醫自製前藥亦灸患上併灸肘尖此爲真氣虛而益虛邪氣實而益實後果反加發熱自汗欬嗽項強四肢不收灸瘡無膿血水不絕腫亦熾盛此臟腑已損之候必不久居也又月後傳爲氣急聲啞痰血交出而歿余嘗見庸醫不辨虛實患家不信正理偏聽服藥往往多致不救者十有八九凡醫者患者俱當省而慎戒之

肩背者肺之俞也若亢極則心火自傷膈胃之內
心主之宮城也背為陽心為陽中之太陽故胃中
膈背肩脾間痛手少陰心脈出腋下循臑內下肘
中循臂內後廉是以脅支滿痛

肱金不及炎火過行民病肩背脊重

六乙之歲金運不及則所勝之火氣乃行肺俞
在肩背故民病肩背脊重

金不及其害西其臟肺病內含膈背肩背外在皮毛

膈胃之內肺之分也脅內乃雲門天府之分肺
脈之所出肩背肺俞之分皮毛肺所出也

靈樞經

邪氣臟腑病形篇

小腸病者小腹痛腰脊控舉而痛肩熱

小腸名赤腸為受盛之腑其氣與膀胱相通是
以腰脊控舉而痛手太陽之脈起於小指之端循
臂出肩解此太陽之經脈病也

膀胱病者肩熱

肩熱

肩乃足太陽經脈之所循

經脈篇

肺手太陰之脈是主肺所生病者氣盛有餘則肩背
痛風寒汗出中風小便數而欠氣虛則肩背痛寒少
氣不足以息溺色變

氣之盛虛謂太陰之氣也肺俞在肩背因氣而
痛於俞所謂氣傷痛也溺色變者氣虛不化也

大腸手陽明之脈起於大指次指之端循臑外前廉
上肩出臑骨之前廉動則病肩前臑痛

肩端兩骨間為臑骨

邪在腎則病肩背頸項痛

小腸手太陽之脈起於小指之端出肩解繞肩胛交
肩上動則病咽痛肩似拔臑似折

脊兩旁為督脊上兩角為肩解肩解下成片骨
為肩胛

膀胱足太陽之脈其直者循肩膊內挾脊抵腰中其
支者從臑內左右別下貫臑

三焦手少陽之脈起於小指次指之端上貫肘循臑

外上肩而交出足少陽之後

膽足少陽之脈循頸行手少陽之前至肩上交出

手少陽之後

手太陽之別上走肘絡肩髃

手陽明之別上循臂乘肩髃

經別篇

手太陽之正指地列於肩解

指地者謂手之太陽下合於足太陽也

手陽明之正從手循臑乳別於肩髃

經筋篇

足太陽之筋上挾脊上項其支者結於肩髃其病脊
反折肩不舉

手太陽之筋上繞肩胛其病繞肩胛引頸而痛

手陽明之筋其支者繞肩胛挾脊直者從肩髃上頸

其病肩不舉

手太陰之筋下出缺盆結肩前髃

骨度篇

肩至肘長一尺七寸

五邪篇

邪在腎則病肩背頸項痛

師傳篇

五臟六腑者肺為之蓋巨肩陷咽候見其外

本臟篇

白色小理者肺小粗理者肺大巨肩反膈陷喉者肺
高合腋張脅者肺下好肩背厚者肺堅肩背薄者肺
脆背膈厚者肺端正脅偏疎者肺偏傾也

肺居肩膊之內脅腋之上故視其肩背膈腋即
知肺之高下堅脆端傾

玉版篇

肩項中不便逆也

太陽為諸陽主氣肩項中不便陽氣傷也

陰陽二十五人篇

木形之人大肩背火形之人好肩背肩背肉滿土形
之人美肩背金形之人小肩背水形之人小肩

邪客篇

地有高山人有肩膝

論疾診尺篇

肘後獨熱者肩背熱

肘後乃手少陽之天井處蓋以兩手下垂上以
候上下以候下前以候前後以候後也

九宮八風篇

風從北方來名曰大剛風其傷人也內含於腎外在
於骨與肩背之脊筋

漢華化中藏經

肩痛

心病則臂中痛四肢滿腋肩背臂膊皆痛

肺脈虛則不能息耳重聾乾喘欬上氣肩背痛

第四三八冊 之〇六葉

肩疽

病肩疽者因負重傷動肩井穴故生此疽用內托散加烏藥青皮木香外貼金絲膏

肩疽受在腎膀胱氣血凝滯不行結成疽毒也先用流氣飲內托散四圍以圍藥敷之多服消毒散內托定痛散

此毒因怒氣上攻於心酒後房事下傷於腎宜服加味托裏散如膿出盡時服內補散三四貼膿未盡時服排膿內托散小便赤澀用五苓散加黃連燈心服之其毒從小便出更服乳香護心散日進五服又服黃蓉丸日進三服

上肩疽下鼠疽

此毒因怒氣上攻於心酒後房事下傷於腎宜服加味托裏散胃脘滿悶加陳皮砂仁熱盛加小柴胡黃芩元參咳嗽加麥冬兜鈴五味杏仁桑皮口乾煩躁加寒冬前胡乾葛烏梅寒多加厚朴防風藿香再服黃蓉丸通氣散仍貼元武膏金絲膏如膿出盡時服內補散三四貼膿未盡時服排膿內托散小便赤澀用五苓散加黃連燈心服之其毒從小便出更服乳香護心散日進五服又服黃蓉丸日進三服

左右搭

此證少陽經少血有相火亢甚於厥陰發於左搭肩骨上生移動之處可治難安申於右搭肩者必難治也此證由於風變之來以脈斷之邪在表其證大小便如故飲食如常口能知味知其不在裏也不惡風只嫌熱脈不浮知不在表若表裏既和則邪在經絡

中疑於經絡其難斯出身半已上風從受之故云八風之變法當却寒邪調和經絡中氣血則氣血通暢自愈

左右串

此證發於左搭肩骨上生在移動之處可治難安申於右搭肩必難治矣可用雞黃皮及綿絮焙乾為末濕則乾搽乾則清油調搽

如證發於右搭肩骨上生在移動之處可治難安申於左搭肩者亦難治用藥搽搽依前左搭肩藥治之

癰疽發

凡兩肩下兩脅邊成癰疽因血虛而氣亦虛切不可服補陽之藥熱劑即補陽也倘受熱劑則虛熱愈盛易致傷骨膜切慎切慎宜服十六味流氣飲內疏黃連湯治法與發背癰疽同湯劑附子薄桂烏頭之類禁用

元李杲十書

肩痛

脈經風寒汗出肩背痛中風小便數而欠者風熱乘其肺使肺氣鬱甚也當湯風熱以通氣防風湯主之如肩背痛不可回顧此手太陽氣鬱而不行以風藥散之

明戴思恭證治要訣

作痛

肩背痛未辨何證俱宜和氣飲每服加烏藥半錢當肩背一片冷痛背脊疼痛古方用神保丸愈者此有積氣故也其人素有痰飲流注肩背作痛宜星香散或導痰湯

下五套丸更於嘔吐門停飲證選藥有腎氣不補故道氣逆挾背而上致肩背作痛宜和氣飲每服加炒茴香半錢炒水椒十粒

有本體虛及病後心膈間痛或牽引乳脅或走注肩背此乃元氣上逆當引使歸元不可復下疏利之劑愈劇愈痛發汗太多人患此者衆惟宜溫補拘於氣無補法之說誤矣經云汗者心之液又曰陽受氣於胃中汗過多則心液耗陽氣不足故致疼也樓英醫學綱目

痛屬火刑肺

肩背痛屬肺分野病經云西風生於秋病在肺俞在肩背故秋氣者病在肩背又云秋脈太過為病在外則令人逆氣背痛慍慍然也

運氣肩背痛皆屬火攻肺病經云歲火太過民病肩背熱又云少陰司天熱淫所勝病肩背膈缺盆中痛又云歲金不及其病內含膈肩背外在皮毛治以寒劑是也

肩疽

丁疽發兩肩惡血留結內外榮衛不通發成丁疽五日腫大令人口噤寒戰十二日可刺不治二十日死陳乾疽腫發起兩肩及兩大臂脾骨二十日痛不愈亦不可動五十日身熱不赤六十日可刺刺之無血者死

使榮疽腫起發肋及兩肩肘頭二十日不穴死九日可刺發赤白相間膿多可治全無赤白者不治李挺醫學入門左右搭手

生在肩下脊上乃因飲食感毒廣一尺深一寸雖潰在危內不穿膜不死急治脾肚中之毒內服護心散外用敷藥始不奔心大要服藥載之若遇脊皆腫者不可救

右搭肩發骨上生者移動之處可治若申左肩難治左搭肩發骨上生者移動之處可治若申右肩難治二證內服托裏散加升麻桔梗外用去惡散或棉絮燒灰為末搽之乾者麻油調搽王肯堂證治準繩

肩背痛

按風寒汗出而肩背痛小便數者脈經既以薄風熱之藥通肺氣之壅則寒熱氣不足以息而肩背痛小便遺失者當以人參黃芪之屬補肺氣之虛不言可知也

溫熱相搏肩背沉重而疼者當歸拈痛湯

肩疽

或問肩生疽何如曰此處手足三陽交會之所名曰肩疽由風熱鬱結所致或因負重損傷而作服局金散勝金丹活命飲加柴胡桔梗壯實者一粒金丹下之老弱者十全大補湯托之

蓮子發

或問肩脾內痛漸至潰爛成瘡何如曰此名太陰疽即蓮子發屬手太陰肺經積熱所致宜活命飲加桔梗黃芪奪命丹勝金丹黃芪木香散選用壯實者八陣散一粒金丹下之赤色者可治青黑者不治喘嗽大渴胃滿脈微者死

左右申

或問左右搭申何如曰左肩骨上生疽申於右者可治右肩骨上生疽申於左者難治古有此說愚謂不然攻注左右者氣血不調陰陽交錯也宜勝金丹活命飲加羌活桔梗壯實者八陣散一粒金丹下之七惡證少何慮難痊元氣虛憊治之何補哉

缺盆疽

或問一八人六十肩前陷中生疽寒熱大作飲食少進肩背拘急小水不利胃腹膨脹何如曰是名缺盆疽又名鎖骨疽屬足陽明胃經手少陽三焦經宜隔蒜灸先服紫金丹奪命丹而惡證退惟苦小水不利投以六一散而利後服十全大補湯而安若治之稍緩必致潰爛是經少血多氣滯口不合危篤者多矣

肩後疽

或問肩膊後骨上生疽何如曰此名上鼠疽即上搭也怒氣積鬱所致屬太陽兼少陽經初覺宜隔蒜灸活命飲加羌活桔梗柴胡勝金丹紫金丹奪命丹選用既潰十全大補湯黃芪木香散人參養榮湯

方

消毒散

治肩疽 毒盡全

人參 紫蘇葉 前胡 川芎 黃芩 桔梗
羌活 獨活 枳殼 白茯苓 甘草 防風
赤芍藥

右煎服

內托止痛散

治證同上

人參 黃芪 生地黃 白芷 川芎 赤芍藥
防風 赤茯苓 生甘草 烏藥 桂心 枳殼
桔梗 木香

右薑三片棗一枚不拘時服

加味托裏散

治肩疽

桔梗 厚朴 人參 白芷 黃芪 當歸身
官桂 川芎 荆芥穗 黃芩 烏藥 防風
連翹 香附 枳殼 花粉

右水煎服

胃隔滿悶加陳皮砂仁

熱甚加小柴胡黃芩元參

欬嗽加麥冬兜鈴五味杏仁桑皮

口乾煩躁加麥冬前胡乾葛烏梅

寒多加厚朴防風藿香再服黃芪丸通氣散仍貼

元武膏金絲膏

擦藥

治左右搭肩

雞黃皮焙 血竭 花蕊石 冰片

右為細末濕用乾摻乾用清油調搽

加味麻黃桂枝湯

治形實色黑背生紅腫脾骨下痛脈浮數而洪緊

食則嘔

苦薏仁一錢半 生附子 羌活 人參 青皮

白朮 山藥各一錢 半夏 生甘草節各六分

黃芪二錢

右水二鍾薑三片煎服冬加黃藥

牛膠飲

治搭肩截癰疽惡瘡險處服之使毒氣不攻於內不傳惡證

牛皮膠透明好者四兩

右用好酒一椀入膠內重湯煮令膠銕透服或用酒煎米湯調和服之

白芷升麻湯

治證同上

官桂三分 白芷 紅花 當歸各一錢 升麻

桔梗各五分 甘草 生地各一兩 黃芩酒炒

黃芪 連翹 歸精各二錢 生黃連一錢五分

右十三味水酒各一椀煎至半椀服之須睡并怡養心神不可妄想以動心火

黃礬丸

一名蠟礬丸治肩疽發背一切惡證服此能衛護

內膜驅解諸毒

通明礬一兩爲末 黃蠟七錢

貴人加木香富人加沉香平人加紫蘇葉俱爲末

鎔蠟下蜜一匙少溫入礬衆手拌勻丸如梧子大每服五十九溫湯下日三服未破內消已破易合

蠟性實大腸礬性解諸毒故用之也

十六味流氣飲

未成速消已成速退疼痛漸減前十二味名托裏

內補散

人參 當歸身 官桂各五分 川芎 大腹皮

白芍藥 桔梗 黃芪 炙甘草 厚朴 木香

白芷 防風 烏藥 枳殼 蘇葉各一錢

右爲末每六錢酒調下不飲酒者木香湯代之米飲亦可輕重量人氣稟用之服藥後飲酒以助藥力

不退熱加茯苓白木地黃

不進飲食加砂仁香附

疼痛加乳香沒藥

水不乾加知母貝母

瘡不穿加皂角刺

大便閉加大黃枳實

欬嗽加陳皮枳殼半夏杏仁薑

小便閉加麥門冬車前子木通滑石燈草

內疏黃連湯

治一切癰疽疔毒心逆發熱而煩脈沉而實腫硬

瘰癧木而皮肉不變色根系深大病源在內臟腑秘

結當急疏利

黃連 白芍藥 當歸 山梔仁 檳榔 木香

薄荷 連翹 茯苓 黃芩 桔梗 甘草各一錢

右除木香檳榔爲末外餘剉每一兩水煎八分入

檀香二末和服之吃三服後加大黃一錢再加二錢以利爲度

烏金散

治疔毒腫痛肩疽因負重損傷而作

硃製 蟾酥 麝香各五分 血餘燬 蛇蛻燬

蜂房燬各一錢 蟬蛻酒洗 血竭 乳香炙

白殭蠶炒去絲各二錢 辰砂研水飛 雄黃研

穿山甲炙黃各二錢半 全蠍三錢湯泡七次

天龍四錢酒炙去頭足 牙皂四分 沒藥炙

川烏尖

右各爲細末稱準分兩和勻每服三分赤砂糖調葱頭酒送下取汗爲度

奪命丹

治諸般腫毒疔疽惡瘡

硃砂三錢 白礬枯 寒水石 銅綠 滴乳香

明沒藥 麝香各一錢 蝸牛三十一粒另研

蟾酥 輕粉各五分

右爲細末丸如菜豆大如不就加好酒糊每服一

丸生葱三五莖嚼極爛吐於手心包藥在內熱酒

和葱送下如重車行五七里汗出爲效重者再服

一二九

勝金丹

治證同前

麝香 白礬製各五分 雄黃 辰砂 乳香

沒藥 血竭各一錢半 全蠍泡炙 穿山甲炙

天龍去頭足炙各三錢 白殭蠶炙去絲五錢

蟾酥一錢

右爲細末和勻每服三分赤砂糖調葱頭酒送下

取汗爲度

一粒金丹

治證同前

沉香 木香 乳香各五分 巴豆霜一錢五分

各爲細末和勻用黑肥囊箇半去皮搗爛爲丸如

芡實大每服一丸量人虛實先呷水一口行一大

胃氣壯實者只可呷水三四口不可太過後用水一口送藥下行盡數次以米飲補之

仙方活命飲

又名真人活命飲治一切癰疽未成膿者內消已成膿者即潰又止痛消毒之聖藥也

滴乳香研 防風 香白芷 赤芍藥 當歸尾 貝母 沒藥研 皂角刺炒 天花粉 甘草節 穿山甲炮各一錢 陳皮 金銀花各三錢

右爲粗末大者四兩小者二兩作一劑無灰酒十茶鍾搗小五茶鍾入有嘴瓶內以厚紙封口勿令泄氣煎至三大鍾去渣作三次服接連不斷隨瘡上下服能飲酒者服藥後再飲三五杯此藥並無酒氣不動臟腑不傷血氣忌酸薄酒鐵器服後側睡覺睡定回生神功浩大不可臆度

人參養榮湯

治一切潰瘍并老弱人之病

白芍一錢半 人參 陳皮 黃芪蜜炙 桂心 當歸酒拌 白朮 甘草炙各一錢 熟地酒拌 五味子炒杵 茯苓各七分半 遠志去心炒五分 作一劑水二鍾薑三片棗一枚煎八分食前服

十全大補湯

治證同前

人參 肉桂 生地酒洗蒸焙 川芎 白芍炒 茯苓 白朮 黃芪鹽水炒 當歸酒拌各一錢 甘草炙五分 作一劑水二鍾薑棗煎服

單方

肩疽吳茱萸用鹽醃過炒研碎和塗之口誤 頸肩背背有大腫赤發即封之令不成膿用硃砂五兩香豉生地黃汁各半升三味合搗敷令地黃爛熟數腫處厚二分日三四易至瘰止兼治一切腫方

鍼灸

素問曰邪客於足太陽之絡令人頭項肩痛刺足小指甲上與肉交者各一痛立已不已刺外踝下三痛左取右右取左如食頃已

靈樞曰足太陽之筋其病小指支踵跟痛骨舉脊反折項筋急肩不舉腋支缺盆中紐痛不可左右搖治在燔鍼劫刺以知爲數以痛爲輸名曰仲春痹也手陽明之筋起於大指次指之端結於腕上循臂上結於肘外上臑結於臂其支者繞肩胛挾脊直者從肩髃上頸其支者上頰結於頰直者上出手太陽之前上左角絡頭下右領其病當所過者支痛及轉筋肩不舉頭不可左右視治在燔鍼劫刺以知爲數以痛爲輸名曰孟夏痹也

肥人廣肩腋項肉薄皮厚而黑色骨臨臨然其血黑以濁其氣滿以遲其爲人也食於取與刺此者深而留之多益其數也 癰發於肩及臑名曰疵疽其狀赤黑急治之此令汗出至足不害五臟癰發四五日遲熅之

甲乙經曰肩痛不可舉天容及乘風主之

肩背臂痛不可舉寒熱寒索肩井主之

肩腫不得顧氣舍主之

肩背臂不舉血瘀肩中不能動搖巨骨主之

肩中熱指臂痛肩髃主之

肩重不舉臂痛肩髃主之

肩重肘臂痛不可舉天宗主之

肩臂痛而寒至肘肩外俞主之

肩臂周痹曲垣主之

肩痛不可舉引缺盆痛雲門主之

肩肘中痛難屈伸手不可舉腕重急曲池主之

肩肘節酸重臂痛不可屈伸肘髃主之

肩痛不能自舉汗不出頸痛陽池主之

肩不可舉不能帶衣清冷淵主之

肩胛小指痛前谷主之

肩痛不可自帶衣臂腕外側痛不舉陽谷主之

肩痛欲折臑如拔手不能自上下養老主之

肩背頭疼時眩湧泉主之

千金方曰氣舍主肩腫不得顧

曲池天宗主肩重痛不舉

天井主肩痛痿痺不仁不可屈伸肉癢木

肩貞關衝肩髃主肩中熱頭不可以顧

巨骨主肩中痛不能動搖

支溝關衝主肩臂酸重

清冷泉陽谷主肩不舉不得帶衣

天宗主肩重臂痛

曲垣主肩臂周痹

後谿主肩痛

腕骨主肩臂痛

養老天官主肩痛欲折

涌泉主肩背頸項痛

前腋主肩腋前痛與臂相引

天瀾缺盆神道大杼天突水道主肩痛

巨骨主肩背痛

膈腧譚京門尺澤主肩背寒痠肩甲內廉痛

醫學綱目曰鍼灸肩背痛有二法其一取肺經云肺

病者喘欬逆氣肩背痛汗出取其經太陰足太陽之

外厥陰內血者又云肺手太陰之脈氣盛有餘則肩

背痛寒少氣不足以息視盛虛熱寒陷下取之是也

其二取腎經云邪在腎則病肩背頸項痛時眩取之

湧泉崑崙視有血者盡取之是也

肩背痛連脾脾經在背端骨下直腋縫尖及臂取二

寸半瀉六吸五樞二寸半瀉八吸

肩背脾痛崑崙懸鍾肩井

肩背頸項腋前痛與臂相引取湧泉一分見血妙前

腋刺面上一寸

又法氣舍五分天帝灸曲池一寸半天井五分

肩背痛手三里主之

鍼灸肩痛有三法其一取手陽明經云大腸手陽明

之脈所生病者肩前臑痛視盛虛熱寒陷下取之也

其二取手太陽經云小腸手太陽之脈是動則病肩

似拔膈似折視盛虛熱寒陷下取之也

其三取筋經云手太陰之筋病繞肩引頸而痛應

耳中鳴痛手陽明足太陽之筋皆病肩不舉皆治在

燔鍼劫刺以知爲數以痛爲輪也

肩不可動臂不可舉肩顫二寸半巨骨五分

清冷淵一寸關衝五分

肩端腫取肩顫二寸半瀉九吸腕骨七分先瀉後補

兩脾痛取肩井二寸半不宜久停鍼支溝

醫案

儒門事親曰安撫初病時右肩臂膊痛無主持不能

舉動多汗出肌肉瘦不能正臥臥則痛甚經云汗出

偏沮使人偏枯予思內經云虛與實鄰決而通之又

云雷瘦不移節而刺之使經絡通和血氣乃復又言

陷下者灸之爲陽氣下陷入陰中肩膊時痛不能運

動以火導之火引而上補之溫之已上證皆宜灸刺

謂此先刺十二經之井穴於四月十二日右肩臂上

肩井穴內先鍼後灸二七壯及至落發枯瘦處漸添

肌肉汗出少肩臂微有力至五月初八日再灸肩井

穴次於尺澤穴各灸二十八壯引氣下行與正氣相

接次日臂膊又添氣力自能搖動矣時值仲夏暑熱

漸盛以清肺飲子補肺氣養脾胃定心氣

薛氏醫案曰一男子肩患毒腫硬作痛惡證迭見用

白礬末三錢糊丸以蔥頭七莖煎湯調下腫痛悉退

再服諸證亦退更以仙方活命飲二劑出水而消此

秘方名千金化毒湯本藥末葱湯調服因未難服故

易爲丸一方士治瘡疽不問腫潰先用此藥二三服

後用消毒藥甚效常治毒瘡之人用此即退不用托

裏藥亦愈蓋止熱毒爲患血氣不虧故也若金石毒

藥發疽者尤效蓋礬又能解金石之毒也一方用礬

末五錢硃砂五分熱酒下亦效此藥托裏固內止瀉

解毒排膿不動臟腑不傷氣血有益無損其藥易得

其功甚大偏僻之處不可不知此方或蟲犬所傷鎔

化熱塗患處更以熱酒調末服皆效

上舍陳履學之內先從左肩下一點寒三日後右肩

下發一白腫如臍中紅如酒盞自用消解涼藥一劑

不散次投十宣散四劑加痛略紅次連投參芪丁桂

防芷之劑膿潰後惡心嘔吐頭運不止厥逆寒戰鼓

牙盧汗頂平膿清此投解散涼劑之誤急洗去圍藥

投以參芪歸朮地黃薑附大劑一服原從左肩下舊

寒一點先熱起又進一服遍腫浮熱腫高膿稠兼絳

烏金膏數日出腐筋如脂膜大小數片日進前藥二

服參芪投至八錢驗兩月始安愈後時以勞厭即投

參芪歸朮薑附大劑乃痊

一男子肩患毒痛飲冷煩躁便祕脈數而實以清

涼飲二劑少愈以金銀花散四劑悉退又以十宣散

去桂加天花粉散刺瘡潰而痊此脈與證皆屬有餘

也

一人肩患疽脈數以槐花酒一服頓退再以金銀花

黃芪甘草十餘貼而平槐花酒治濕熱之功最妙速

若胃寒之人不可過劑

一婦人患瘰癧不消膿清不斂予以八珍湯治之少

愈忽肩背痛不能回顧此膀胱經氣鬱所致當以防

風通氣湯治之蓋膀胱之脈始於目內眥上頂顛下